

RÍKISSTJÓRABRÉF**24**

23. maí

um frestun á fundum Alþingis.

RÍKISSTJÓRI ÍSLANDS*gjörir kunnugt:*

Að ég, að tilskildu samþykki Alþingis, veiti forsætisráðherra umboð til þess að fresta fundum Alþingis þess er nú situr, frá því er venjulegum störfum þess verður svo langt komið, að ekki þykir ástæða til lengra þinghalds að sinni, til þess dags, er almennar kosningar til Alþingis fara fram á þessu sumri.

*Gjört í Reykjavík, 23. maí 1942.***Sveinn Björnsson.**

(L. S.)

*Ólafur Thors.***RÍKISSTJÓRABRÉF****25**

23. maí

um alþingiskosningar.

RÍKISSTJÓRI ÍSLANDS*gjörir kunnugt:*

Með því að ég hef með bréfi, dagsettu í dag, rofið Alþingi frá þeim degi að telja, sem almennar kosningar til Alþingis fara fram á þessu sumri, ber samkvæmt stjórnarskránni að láta almennar kosningar til Alþingis fara fram.

Fyrir því mæli ég svo fyrir, að almennar kosningar til Alþingis skuli fara fram sunnudaginn 5. júlí n. k.

*Gjört í Reykjavík, 23. maí 1942.***Sveinn Björnsson.**

(L. S.)

*Ólafur Thors.***RÍKISSTJÓRABRÉF****26**

23. maí

um þingrof.

RÍKISSTJÓRI ÍSLANDS*gjörir kunnugt:*

Þar eð Alþingi hefur samþykkt frumvarp til stjórnarskipunarlaga um breytingu á stjórnarskrá ríkisins 18. maí 1920, og stjórnarskipunarlögum nr. 22, 24. marz 1934, verður samkvæmt 75. gr. stjórnarskrárinnar, sbr. téð stjórnarskipunarlög, að rjúfa Alþingi.

26 Fyrir því mæli ég svo fyrir, að Alþingi, sem nú situr, skuli rofið frá þeim degi að 23. maí telja, er almennar kosningar til Alþingis fara fram á þessu sumri.

Gjört í Reykjavík, 23. maí 1942.

Sveinn Björnsson.

(L. S.)

Ólafur Thors.

27

27. maí

BRÁÐABIRGÐALÖG

um viðauka við lög nr. 18 25. jan. 1934, um kosningar til Alþingis.

RÍKISSTJÓRI ÍSLANDS

gjörir kunnugt: Dómsmálaráðherra hefur tjáð mér, að nauðsyn beri til að stytta fresti þá, er um ræðir í 26. og 66. gr. kosningalaganna við kosningar þær, er fram eiga að fara 5. júlí 1942.

Með því að ég fellst á, að brýna nauðsyn beri til að setja bráðabirgðalög samkvæmt 23. gr. stjórnarskrárinnar um framangreint efni, tel ég rétt að gefa út bráðabirgðalög á þessa leið:

1. gr.

Við alþingiskosningar þær, er fram eiga að fara 5. júlí 1942, skulu öll framboð í kjördæmum tilkynnt hlutaðeigandi yfirkjörstjórn skriflega og eigi síðar en 28 dögum fyrir kjördag. Landlistar skulu tilkynntir landskjörstjórn á sama hátt og eigi síðar en 27 dögum fyrir kjördag.

2. gr.

Þeir kjósendur, er neyta vilja kosningaréttar síns utan kjörfundar við alþingiskosningar 5. júlí 1942, eiga rétt á að greiða atkvæði úr því að 25 dagar eða styttri tími er til kjördags, en fari kosningin fram fyrir þann tíma er hún ógild. Atkvæðið telst greitt þann dag, sem fylgibréfið er dagsett.

3. gr.

Lög þessi öðlast þegar gildi.

Gjört í Reykjavík, 27. maí 1942.

Sveinn Björnsson.

(L. S.)

Jakob Möller.